



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 01-03/02-04-24618-317/23
Sarajevo, 06. 10. 2023. godine

SKUPŠTINA KANTONA SARAJEVO
n/r Okerić Elvedina, predsjedavajućeg Skupštine Kantona Sarajevo

PREDMET: Odgovor na zastupničko pitanje, dostavlja se

Cijenjeni,

Zastupnik u Skupštini Kantona Sarajevo **Davor Čičić** je u okviru Osme radne sjednice Skupštine Kantona Sarajevo u skladu sa članovima 211. i 214. Poslovnika Skupštine Kantona Sarajevo („Službene novine Kantona Sarajevo“ - Drugi novi prečišćeni tekst – broj: 41/12, 15/13, 47/13, 47/15, 48/16, 9/20, 14/20, 16/22 i 17/22-Ispravka), uputio **zastupničko pitanje**:

„1. S obzirom na početak nove školske godine da li sve škole sa prostora Kantona Sarajeva imaju izrađene ili ažurirane, po trenutnoj situaciji na terenu, evakuacijske planove u slučaju prirodnih i drugih nesreća i dojava bombi?“

2. Da li se provode i koliko često u svim srednjim i osnovnim školama u Kantonu Sarajevo evakuacijske vježbe za slučajeve prirodnih i drugih nesreća i dojava bombi po navedenim evakuacijskim planovima?“

Odgovor:

- „S obzirom na početak nove školske godine da li sve škole sa prostora Kantona Sarajeva imaju izrađene ili ažurirane, po trenutnoj situaciji na terenu, evakuacijske planove u slučaju prirodnih i drugih nesreća i dojava bombi?“

U skladu sa Zaključkom Vlade Kantona Sarajevo od 22. 05. 2023. godine Ministarstvo za odgoj i obrazovanje je izvršilo analizu postojećih procedura iz oblasti sigurnosti i zaštite učenika, te je uočeno da osnovne i srednje škole nisu imale izrađene planove evakuacije u slučaju iznenadnih, kriznih događaja u odgojno-obrazovnim ustanovama. S tim u vezi, formirana je Radna grupa koja je imala zadatak da izradi Shemu komunikacije multisektorskog postupanja u iznenadnim, kriznim događajima u odgojno-obrazovnim ustanovama u Kantonu Sarajevo.

S tim u vezi, na prijedlog Ministarstva za odgoj i obrazovanje Kantona Sarajevo Vlada Kantona Sarajevo je 24. 08. 2023. godine donijela Zaključak broj: 02-04-37009-31/23 kojim se prihvata Informacija Ministarstva o poduzetim mjerama i radnjama usmjerenim na unapređenje procedura zaštite i sigurnosti učenika putem resornih ministarstava, sa posebnim osvrtom na multisektorsko postupanje u kriznim, iznenadnim događajima u odgojno-obrazovnim ustanovama.

Također, Vlada Kantona Sarajevo je na prijedlog Ministarstva usvojila Smjernice/scheme komunikacije multisektorskog postupanja u iznenadnim, kriznim događajima u odgojno-obrazovnim ustanovama u Kantonu Sarajevo. Scheme komunikacije su važne za efikasno postupanje u iznenadnim, kriznim događajima, iste osiguravaju brz i jasan protok komunikacije svih relevantnih strana. Navedene scheme možete preuzeti na web stranici Ministarstva za odgoj i obrazovanje, rubrika Važni dokumenti:

<https://mo.ks.gov.ba/sites/mo.ks.gov.ba/files/Smjernice%20postupanja%20u%20iznenadnim%20kriznim%20situacijama%20za%20odgojno-obrazovne%20ustanove.pdf>.

Dana 02. 10. 2023. godine održano je stručno savjetovanje direktora i direktorica u vezi primijene i zadataka koji proizilaze iz navedenog dokumenta. Također, kako bi odgojno-obrazovne ustanove kvalitetno izvršile postavljene obaveze, između ostalog i izradile vlastite planove evakuacije za svaku ustanovu Ministrica za odgoj i obrazovanje je 19. 09. 2023. godine imenovala Radnu grupu za izradu uputstva za izradu plana evakuacije odgojno-obrazovnih ustanova u slučaju hitnih, kriznih situacija i praćenje implementacije izrade plana evakuacije u odgojno-obrazovnim ustanovama koja ima sljedeće zadatke:

- ✓ Jasno definisati korake i procedure postupanja u slučaju potrebne evakuacije (dojava bombe ili druge eksplozivne naprave, naoružana osoba u školi, teroristički čin, požar, poplava, zemljotres ili neka druga iznenadna situacija za koju mora postojati hitni plan evakuacije učenika i radnika škole).
- ✓ Izraditi tri modela plana evakuacije u tri odgojno-obrazovne ustanove, koji će koristiti kao primjer za izradu planova evakuacije u drugim odgojno-obrazovnim ustanovama.
- ✓ Pripremiti upute za direktore škola na koji način se izrađuje plan evakuacije sa pratećom dokumentacijom, te realizovati edukaciju, stručno savjetovanje za direktore odgojno-obrazovnih ustanova.

2. *Da li se provode i koliko često u svim srednjim i osnovnim školama u Kantonu Sarajevo evakuacijske vježbe za slučajeve prirodnih i drugih nesreća i dojava bombi po navedenim evakuacijskim planovima?"*

U navedenom dokumentu Shema komunikacije multisektorskog postupanja u iznenadnim, kriznim događajima u odgojno-obrazovnim ustanovama u Kantonu Sarajevo propisana je izrada plana evakuacije za svaku ustanovu, formiranje Tima za upravljanje kriznim događajem na nivou odgojno-obrazovne ustanove, te obaveza planiranja i realizacije evakuacijskih vježbi koje će se definisati u planovima evakuacije svake ustanove, a iste su trenutno u fazi izrade u odgojno-obrazovnim ustanovama.

S poštovanjem,

Dostaviti:

1. Naslovu
2. A/a

